



Më
 Data

06-07-18

REPUBLIKA E KOSOVËS
 REPUBLIKA KOSOVA - REPUBLIC OF KOSOVO
 GJYKATA THEMELORE FERIZAJ

Numri i lëndës: 2018:005188
 Datë: 05.06.2018
 Numri i dokumentit: 00055836

P.nr.251/2018

NË EMËR TË POPULLIT

GJYKATA THEMELORE NË FERIZAJ - Departamenti i Përgjithshëm Divizioni Penal, si gjykatë e shkallës së parë penale, gjyqtari individual Adem Shabani me zyrtaren ligjore Kadishe Shabani, në çështjen penale kundër të akuzuarit [REDACTED], me vendbanim në rr. [REDACTED] nr. [REDACTED] Ferizaj, për shkak të veprës penale “vjedhja e shërbimeve komunale” nga neni 320 të KPRK-së, sipas aktakuzës së Prokurorisë Themelore në Ferizaj-Departamenti i Përgjithshëm PP/II.nr.394-3/18 të datës 08.02.2018, pas mbajtjes së shqyrtimit gjyqësor me dt.05.06.2018, në praninë e përfaqësuesit të akuzës prokurorit të shtetit Bahri Hyseni, si dhe të akuzuarit, të njejtën ditë mori dhe publikisht komunikoi këtë:

A K T G J Y K I M

I akuzuari [REDACTED] me vendbanim në rr. “ [REDACTED] ” nr. [REDACTED] Ferizaj, ku edhe tani jeton, i lindur me datë [REDACTED], nga i ati [REDACTED], e ëma [REDACTED] e vajzërisë [REDACTED] i martuar baba i 3 fëmijëve, i pa punë, i gjendjes së dobët ekonomike, me nr.personal [REDACTED] shqiptar, shtetas i Republikës së Kosovës, -

ËSHTË FAJTOR

SEPSE:

- me datën 16.11.2017, në shtëpinë e tij në Ferizaj, rruga [REDACTED] nr. [REDACTED] nga punëtorët e autorizuar të KEDS-it, është konstatuar se faza L1 mbrapa njehsorit është këput dalja dhe është kyçur direkt jashtë pikës matëse, për pasojë energjia e shpenzuar nuk është regjistruar, me ç’rast KEDS-it, i ka shkaktuar dëm material në vlerë rreth 194.21 euro,-

-me të cilën kreu veprën penale vjedhja e shërbimeve komunale nga neni 320 të KPRK-së.

Gjykata në bazë të dispozitës së lartë përmendur dhe neneve 4, 7, 17, 23, 41, 42, 43, 51, 52, dhe 73 të KPK-së dhe nen. 365 të KPPK-së të pandehurit e:

GJYKON DËNIM ME KUSHT

Të akuzuarit [REDAKTUAR] i shqipton dënim me gjobë në shumën prej 100 (njëqind) Euro dhe me dënim burgimi në kohëzgjatje prej 3 (tre) muaj dhe në të njëjtën kohë urdhëron që dënimet e shqiptuara me gjobë dhe me burgim të mos ekzekutohet nëse i akuzuari në kohën prej 1 /një/ viti pasi ky aktgjykim të merr formën e prerë nuk do të kryej vepër tjetër penale.

Obligohet i pandehuri që në emër të kërkesës pasurore juridike KEDS-it distrikti në Ferizaj ti paguaj shumën prej 194,21 Euro,-

Obligohet i akuzuari që në emër të paushallit gjyqësor të paguaj shumën prej 20 €, nga dita e plotfuqishmërisë së aktgjykimit nën kërcënimin e përmbarimit me dhunë.

Arsyetimi

Prokuroria Themelore në Ferizaj Departamenti i Përgjithshëm ka paraqitur aktakuzën PP/II.nr. 394-3/18 të datës 08.02.2018, me të cilën ka ngarkuar të akuzuarin [REDAKTUAR] me vendbanim rrugën [REDAKTUAR] nr [REDAKTUAR] në Ferizaj, për shkak të veprës penale vjedhja e shërbimeve komunale nga neni 320 KPRK-së.

Gjykata duke vepruar rreth kësaj çështje penale konform nenit 245 par.1 të KPPRK-së me dt.18.05.2018, ka mbajtur shqyrtimin fillestar në të cilin kanë marrë pjesë prokurori i shtetit dhe i akuzuari.

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPRK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën ndaj të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR], ka theksuar se e pranoj fajësinë për veprën për të cilën më akuzon aktakuza, është e vërtetë se atë ditë kanë qenë në shtëpi, në kontroll KEDS-i dhe e kam nënshkruar personalisht se është evidentuar pa rregullucsi, unë obligime ndaj KEDS-it nuk

kam më, kërkoj nga gjykata ti ketë parasysh këto rrethana si dhe gjatë matjes së dënimit të më shqiptoj një dënim sa më të butë.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPRK-së, është e bindur se i akuzuari e ka kuptuar natyrën dhe pasojat e pranimin të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimin të fajësisë nga ana e të akuzuarit gjyqtari në kuptim të nenit 248 par.2 të KPPRK-së ka kërkuar edhe mendimin e prokurorit të shtetit lidhur me pranimin e fajësisë.

Prokurori i shtetit Bahri Hyseni, ka theksuar se pajtohet me pranimin e fajësisë nga ana e të akuzuarit pasi pranimi i fajësisë është bërë konform ligjit dhe pranimi korrespondon edhe me provat materiale që gjenden në shkresat e kësaj lënde dhe kërkon nga gjykata që të njejtin ta pranoj si të tillë.

Gjykata në shqyrtimin fillestar ka vërtetuar se i akuzuari pranimin e fajësisë e ka mbështet në provat që gjenden në shkresat e kësaj lënde penale në Kallëzimin Penal të KEDS-it Departamenti Ligjor në Ferizaj me numër CMS-K/DFE-10 të datës 19.01.2018, Faturen DFEHP1714436 e datës 20.11.2017, Procesverbalit nr. 2165808 i dt.16.11.2017, si dhe fotografitë që gjenden në shkresat e lëndës.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhja e shërbimeve komunale nga neni 320 të KPRK-së.

Me rastin e matjes së llojit dhe lartësisë së dënimit gjykata pati parasysh të gjitha rrethanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrethanë lehtësuese për të akuzuarin mori pranimin e fajësisë nga ana e të akuzuarit, pendimin për veprën e kryer ka theksuar se më nuk do të përsërisë veprime të tilla, i gjendjes së dobët ekonomike tani çdo gjë është në rregull me furnizim me energji elektrike përmes njehsorit elektrik, mbi bazën e këtyre rrethanave gjykata vlerësoi shkallën e përgjegjësisë penale të akuzuarit dhe rrezikshmërinë konkrete të kësaj vepre penale, dhe në kuptim të të gjitha këtyre, i shqipton dënimin si në dispozitiv të këtij aktgjykimi duke qenë e bindur se një dënim i tillë është në proporcion dhe raport me peshën e veprës konkrete penale, rrethanave të kryerjes si dhe personalitetin e të akuzuarit dhe me te arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Gjykata në mbështetje të nenit 463 par.2 të KPPRK-së ka obliguar të akuzuarin që të dëmtuarës KEDS-it Distrikti në Ferizaj, 15 ditësh nga dita e plotfuqishmërisë se këtij aktgjykimi.

Vendimi mbi kompensimin e paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së.


Kurse për pagesën e taksës për kompensimin e viktimave të krimit, e ka liruar të paguaj pasi gjendjen materiale e ka jo të mirë, konform nenit 453 paragrafi 4 të KPPRK-së.

Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ
Departamenti i Përgjithshëm - Divizioni Penal,
P.nr.251/2018 me datë 05.06.2018

Zyrtare Ligjore
Kadishe Shabani

Gjyqtari
Adem Shabani



KËSHILLA JURIDIKE: Kundër këtij aktgjykimi është e lejuar, ankesa në afat prej 15 ditësh. nga dita e pranimit, Gjykatës së Apelit në Prishtinë, përmes kësaj gjykate.